

aliis, post factam candide Palinodiam, error iterum imponat, imbecillitas sese, & inconstantia humani prodit ingenii, cui depellendae, media nos adhibere prolapsiones alienae iubent. Quibus omnibus tandem efficitur, ut mens suas vires penitus exploret, & in dies magis magisque munitior fiat.

§. XII. Subiicienda nunc sunt exempla, quae iuxta ferriem literarum, bona fide, enarrabo. Primo loco prodeant ANONYMI quidam, ex ANABAPTISTARVM grege. Secta est, quae sub initium, emendatae per Lutherum Religionis, cepit, & per turbas, quas dedit, non leviter eius cursum, & progressionem, sufflaminavit. Placita, sententiasque, quas tenet, haurias, licet, ex Menio, Bulengero, Wigando, Albero, & Ortii nominatim Annalibus Anabaptisticis, in quibus diligenter, de Anabaptistis generatim, & speciatim Helveticis, actum est. Ex Lutheri scriptis hanc haeresin conflata esse, Pontificiorum est criminatio, quam, semel, iterumque, depulsam, revocare non est veritus, paucis abhinc annis, Franciscus Catrou, homo Gallus, & Societate Iesu, in libro Gallice conscripto: *Histoire du Fanatisme dans la Religion Protestante*. Nolo operosiores subiungere confutationem, quam cum laude alii praestiterunt. Et res omnis in vado est, si modo discrimen faciamus inter occasionem, quam quis studio aliis suppeditat, & quam praepostere sibi nonnunquam maleferiati sumunt. Rosis suum constat pretium, & honos, quamvis succum inde araneae excipiant venenatum. Sufficit Lutherum, & qui ab eius stabant partibus, Melanchthonem, alios, ore, scriptoque, isti sese opposuisse *ἀπέσει*, nihilque intermisisse eorum, quibus homines saniori restitui doctrinae poterant. Nec frustra semper, quem insumebant, labor fuit. A. cl. l. XXXV. in pago Euterdorff minori, capti sunt a quaestore Leuchtenburgensi, molitor cum uxore, & filia, & quatuordecim peregrini alii, qui ex divino, quem iactabant, instinctu, in illum tractum concesserant. Hi fratrum sese, & sororum, appellabant nomine, ad imitationem, haud dubie, vetustioris Ecclesiae, in qua ille mos viguit, ut fideles sese fratres, & sorores, dicerent. Ex quo tamen Gentiles occasionem sumserunt, nescio quas, libidines innocentibus Christianis improperandi.

Scri-